



SLUŽBENE NOVINE OPĆINE GORAŽDE

Godina V

31. decembar 2012. godine
GORAŽDE

Broj 12

0933

Na osnovu člana 21. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 19/06,76/08, 05/09, 32/09, 09/10; 36/10; 45/10; 25/12) i članova 18, 82. i 84. Statuta Općine Goražde („Službene novine Bosansko-podrinjskog kantona Goražde“ broj: 13/07), Općinsko vijeće Općine Goražde, na 3. redovnoj sjednici, održanoj dana 27.12.2012. godine,

d o n o s i:

O D L U K U

O PRIVREMENOM FINANSIRANJU OPĆINE GORAŽDE ZA PERIOD JANUAR - MART 2013. GODINE

Član 1.

Ovom se Odlukom utvrđuje privremeno finansiranje Općine Goražde do donošenja Budžeta Općine Goražde za 2013.godinu, za period 01.01.-31.03.2013. godine.

Član 2.

Privremeno finansiranje Općine Goražde za period iz člana 1. ove Odluke obavlja se srazmjerno sredstvima utrošenim u istom periodu, odnosno najviše do tromjesečnog prosjeka za prethodnu fiskalnu godinu, što iznosi 1.847.986,71 KM.

Član 3.

Privremeno finansiranje Općine Goražde za period iz člana 1. ove Odluke izvršavat će se u skladu sa likvidnim mogućnostima i prioritetima utvrđenim članom 16. Odluke o izvršenju Budžeta Općine Goražde za 2012.godinu („Službene novine Općine Goražde“ broj: 3/12).

Budžetski korisnici ne mogu započeti nove programe dok se ne odobri Budžet Općine Goražde za 2013.godinu.

Član 4.

Načelnik Općine Goražde će do isteka roka za privremeno finansiranje utvrđenog u članu 1. ove Odluke predložiti Općinskom vijeću Općine Goražde Budžet Općine Goražde za 2013. godinu sa rasporedom prihoda i rashoda po korisnicima Budžeta.

Član 5.

Ova Odluka stupa na snagu danom objave, a primjenjivat će se od 01.01.2013. godine.

Odluku objaviti u „Službenim novinama Općine Goražde“.

Broj: 01-02-1-6097

Datum: 27.12.2012. godine

ZAMJENIK PREDSJEDAVALA VIJEĆA

Senad Čeljo, dipl.prav.

0934

Na osnovu člana 8. Zakona o principima lokalne samouprave u Federaciji BiH („Službene novine Federacije BiH“, broj: 51/06) te članova 11, 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na 3. redovnoj sjednici, održanoj dana 27.12.2012. godine, d o n o s i:

O D L U K U

o utrošku budžetskih sredstava doznačenih JKP „6.
mart“ d.o.o. Goražde

Član 1.

Ovom Odlukom obavezuje se JKP „6. mart“ d.o.o. Goražde da će sredstva doznačena iz Budžeta Općine Goražde u narednim periodima koristiti

isključivo radi pokrića dijela plaća i nastalih poslovnih gubitaka u proizvodnji i distribuciji vode, a koji su nastali kao rezultat dotrajale sekundarne mreže u vlasništvu Općine Goražde, usljed čega dolazi do znatnih gubitaka vode u mreži, sve do sanacije sekundarne vodovodne mreže.

Član 2.

Utvrđuje se da su budžetska sredstva doznačena JKP „6. mart“ d.o.o. Goražde za 2006, 2007, 2008, 2009. i 2010. godinu, doznačena u svrhu pokrivanja nastalih gubitaka u poslovanju kao rezultat u proizvodnji i distribuciji vode i isplatu dijela plaća zaposlenih radnika.

Član 3.

JKP „6. mart“ d.o.o. Goražde je dužno na kraju godine dostaviti izvještaj o utrošku doznačenih sredstava iz člana 1. ove Odluke.

Član 4.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-6103

Goražde, 27.12.2012. godine

ZAMJENIK PREDSJEDAVAJUĆEG VIJEĆA

Senad Čeljo, dipl.prav.

0935

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“ broj 13/07), Općinsko vijeće Općine Goražde, na 3. redovnoj sjednici, održanoj dana 27.12.2012. godine, donosi:

O D L U K U

o odobravanju zamjene stanova

Član 1.

Odobrava se zamjena stanova između Općine Goražde i Medžlisa islamske zajednice Goražde na način da Općina Goražde, kao nosilac prava raspolaganja na trosobnom stanu, površine 77 m² u državnoj svojini, koji se nalazi na trećem spratu poslovno-stambene zgrade sagrađene na parceli označenoj kao k.č.706/4 KO Goražde II, upisanoj u PL broj 166 na ime državna svojina korisnik Općina Goražde, u ul. Ferida Dizdarevića broj 23 u Goraždu, daje predmetni stan u zamjenu za stan koji se nalazi u ul. 1.slavne višegradske brigade br. 5 u Goraždu, površine 58 m², čiji je vlasnik Medžlis islamske zajednice Goražde.

Član 2.

Ovlašćuje se načelnik Općine Goražde da sa Medžlisom islamske zajednice Goražde zaključi ugovor o zamjeni stanova, kojim će se regulisati bliža prava u vezi s prenosom prava raspolaganja na predmetnim stanovima.

Član 3.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-6104

Goražde, 27.12.2012. godine

ZAMJENIK PREDSJEDAVAJUĆEG VIJEĆA

Senad Čeljo, dipl.prav.

0936

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06) i članova 18, 77. i 84. Statuta Općine Goražde („Službene novine Bosansko-podrinjskog kantona Goražde“ broj: 13/07), Općinsko vijeće Općine Goražde, na 3. redovnoj sjednici, održanoj dana 27.12.2012.godine, d o n o s i:

O D L U K U

o prihvatanju ponude Tanjo Sakiba za kupovinu zemljišta

Član 1.

Prihvata se ponuda Tanjo Sakiba, od 07.05.2012. godine, zavedena pod brojem 07-1-31-11-2332/12, kojom Općini Goražde nudi kupovinu zemljišta u naselju Lastavice u Goraždu po ponuđenoj ukupnoj cijeni u iznosu od 1.000,00 KM, na kojem je izgrađen pristupni put u ovom naselju.

Član 2.

Odobrava se kupovina zemljišta iz člana 1. ove Odluke, koje je u katastarskom operatu označeno kao:

- dio k.č. 3713/1 zvano „Lastavice“, po kulturi dvorište u površini od 8 m², dio k.č. 3713/2 zvano „Lastavice“ po kulturi pristupni put u površini od 162 m² i dio k.č. 3713/3 zvano „Lastavice“ po kulturi voćnjak druge klase u površini od 17 m², koje su upisane u PL br. 2535/04 KO Goražde I na ime Tanjo (Zufer) Sakib sa 1/1 dijela posjeda, po cijeni od 1.000,00 KM (jedna hiljada konvertibilnih maraka) za ukupnu površinu zemljišta od 187 m², prema skici snimanja.

Član 3.

Novčana sredstva iz člana 2. ove Odluke obezbjedit će se iz Budžeta Općine Goražde sa ekonomskog koda 821 111 - nabavka zemljišta.

Član 4.

Ovlašćuje se načelnik Općine Goražde da zaključi kupoprodajni ugovor sa prodavcem, s tim što će Općina Goražde snositi sve troškove prenosa prava vlasništva.

Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde."

Broj: 01-02-1-6098

Goražde, 27.12.2012. godine

ZAMJENIK PREDSJEDAVAJUĆEG VIJEĆA

Senad Čeljo, dipl.prav.

0937

Na osnovu člana 63. Zakona o zdravstvenoj zaštiti Federacije Bosne i Hercegovine („Službene novine Federacije BiH“, broj: 46/10) i članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na 3. redovnoj sjednici, održanoj dana 27.12.2012. godine, d o n o s i:

ODLUKU

o davanju saglasnosti na Izmjene i dopune Statuta JU Dom zdravlja „Dr. Isak Samokovlija“

Član 1.

Daje se saglasnost JU Dom zdravlja „Dr. Isak Samokovlija“ Goražde na Izmjene i dopune Statuta, koje su usvojene od strane Upravnog odbora JU dana 22.10.2012. pod brojem: 04-05-1694-4/12.

Član 2.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-6102

Goražde, 27.12.2012. godine

ZAMJENIK PREDSJEDAVAJUĆEG VIJEĆA

Senad Čeljo, dipl.prav.

0938

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i člana 26. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde („Službene novine Općine Goražde“, broj: 06/12), Općinsko vijeće Goražde, na 3. redovnoj sjednici, održanoj dana 27.12.2012. godine, d o n o s i:

O D L U K U

o produženju ugovora o davanju na korištenje poslovnih prostorija u vlasništvu Općine Goražde, JU Dom zdravlja „Dr. Isak Samokovlija“ Goražde

Član 1.

Općina Goražde produžava postojeći ugovor o davanju na korištenje poslovnih prostorija na određeno vrijeme, na rok od 5 godina, bez naknade, poslovne prostorije površine 51 m² u naselju Bogušići, koje se nalaze u poslovno-stambenoj zgradi, poslovne prostorije površine 104,4 m² u naselju Ilovača, koje se nalaze u poslovno-stambenoj zgradi i poslovne prostorije površine 44 m² u naselju Vranići, koje se nalaze u poslovnoj zgradi Mjesne zajednice Vranići u vlasništvu Općine Goražde, JU Dom zdravlja „Dr. Isak Samokovlija“ Goražde, radi obavljanja registrovane djelatnosti.

Član 2.

Ovlašćuje se načelnik Općine da zaključi ugovor o davanju na korištenje poslovnih prostorija iz člana 1. ove Odluke, kojim će se regulisati bliža prava i obaveze ugovornih strana.

Član 3.

Korisnik poslovnih prostorija iz člana 1. ove Odluke dužan je vršiti redovno održavanje poslovnih prostorija, te ih održavati u ispravnom stanju o vlastitom trošku, plaćati režijske troškove (struja, voda, kanalizacija i dr.) kao i ostale zakonom propisane obaveze – PDV obračunat u mjesečnom iznosu na osnovicu od 398,80 KM (osnovica za poslovni prostor u Bogušićima u iznosu od 102,00 KM; osnovica za poslovni prostor u Ilovači u iznosu od 208,80 KM i osnovica za poslovni prostor u Vranićima u iznosu od 88,00 KM).

Član 4.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-1-6100
Goražde, 27.12.2012. godine
ZAMJENIK PREDSEDavajućeg VIJEĆA
Senad Čeljo, dipl.prav.

0939

Na osnovu članova 18. i 84. Statuta Općine Goražde ("Službene novine Bosansko-podrinjskog kantona Goražde", broj: 13/07) i člana 26. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde ("Službene novine Općine Goražde", broj: 06/12), Općinsko vijeće Goražde, na 3. redovnoj sjednici, održanoj dana 27.12.2012. godine, d o n o s i:

O D L U K U

o produženju ugovora o davanju na korištenje poslovnih prostorija u vlasništvu Općine Goražde JU Dom zdravlja "Dr. Isak Samokovlija" Goražde

Član 1.

Općina Goražde produžava postojeći ugovor o davanju na korištenje poslovnih prostorija na određeno vrijeme, na rok od 5 godina, bez naknade, poslovne prostorije 30 m², u vlasništvu Općine Goražde, koje se nalaze u naselju Orahovice, Općina Goražde, JU Dom zdravlja "Dr. Isak Samokovlija" Goražde, radi obavljanja registrovane djelatnosti.

Član 2.

Ovlašćuje se načelnik Općine da zaključi ugovor o davanju na korištenje poslovnih prostorija iz člana 1. ove Odluke, kojim će se regulisati bliža prava i obaveze ugovornih strana.

Član 3.

Korisnik poslovnih prostorija iz člana 1. ove Odluke dužan je vršiti redovno održavanje poslovnih prostorija te ih održavati u ispravnom stanju o vlastitom trošku, plaćati režijske troškove (struja, voda, kanalizacija i dr.) kao i ostale zakonom propisane obaveze – PDV obračunat u mjesečnom iznosu na osnovicu od 60,00 KM.

Član 4.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-1-6101
Goražde, 27.12.2012.godine
ZAMJENIK PREDSEDavajućeg VIJEĆA
Senad Čeljo, dipl.prav.

0940

Na osnovu članova 108. i 109. Zakona o poljoprivrednom zemljištu ("Službene novine Federacije BiH" broj: 52/09), Odluke Općinskog vijeća o raspisivanju javnog poziva za zakup poljoprivrednog zemljišta u vlasništvu države na području općine Goražde, broj: 01-02-3481, od 05.07. 2012. godine ("Službene novine Općine Goražde" broj: 7/12), na koju je Ministarstvo za privredu Bosansko-podrinjskog kantona Goražde dalo suglasnost broj: 04-24-1706/12, od 24.07.2012. godine, te raspisanog Javnog poziva za zakup poljoprivrednog zemljišta u vlasništvu države na području općine Goražde, broj: 02-05-2-4232/12, od 15.08.2012.godine i članova 18. i 84. stav 1. Statuta Općine Goražde („Službene novine Bosansko-podrinjskog kantona Goražde”, broj 13/07), Općinsko vijeće Općine Goražde, na 3. redovnoj sjednici, održanoj dana 27.12.2012.godine, donosi:

O D L U K U

o izboru najpovoljnije ponude za zakup poljoprivrednog zemljišta u vlasništvu države na području općine Goražde

I

Poljoprivredno zemljište, k.č. 164 u ukupnoj površini od 46.924 m², u vlasništvu Općine Goražde, koje se u katarstarskom operatu vodi kao voćnjak u katarstarskoj općini Goražde II, nakon sprovedenog javnog poziva dodjeljuje se nevladinoj organizaciji UFM International. Inc. koja ima sjedište na adresi Bala Avenue, Bala Cynwyd, PA 19004. SAD. Sjedište predstavništva je Goražde, ulica Maršala Tita b.b.

II

Zemljište iz člana I ove Odluke dodjeljuje se na rok od 10 (deset) godina uz zakupninu od 0,016 KM/m², godišnje.

III

Ministarstvo za privredu Bosansko-podrinjskog kantona Goražde će sa licem iz člana I ove Odluke sklopiti ugovor o zakupu.

IV

Ministarstvo za privredu Bosansko-podrinjskog kantona Goražde dužno je primjerak ugovora o zakupu dostaviti u roku od 15 dana nadležnom sudu za vođenje zemljišne knjige, odnosno katastra nekretnina i Federalnom ministarstvu poljoprivrede, vodoprivrede i šumarstva.

V

Na osnovu sklopljenog ugovora o zakupu zakupoprimca u posjed poljoprivrednog zemljišta u vlasništvu države uvodi Ministarstvo za privredu Bosansko-podrinjskog kantona Goražde.

VI

Ova Odluka stupa na snagu osmog dana od objavljivanja u "Službenim novinama Općine Goražde".

Broj: 01-02-1-6105

Goražde, 27.12.2012.godine

ZAMJENIK PREDSJEDAVALA VIJEĆA

Senad Čeljo, dipl.prav.

0941

Na osnovu odredbi člana 29. stav 1. Zakona o prometu nepokretnosti ("Službeni list SRBiH" broj: 38/78, 4/89, 29/90, 22/91 i "Službeni list R BiH" broj: 21/92, 3/93, 13/94 i 18/94), člana 25. stav 1. Zakona o građevinskom zemljištu FBiH ("Službene novine Federacije BiH" broj: 25/03), člana 13. Zakona o principima lokalne samouprave u Federaciji Bosne i Hercegovine ("Službene novine FBiH" broj: 49/06) i članova 18, 77. i 84. Statuta Općine Goražde ("Službene novine Bosansko-podrinjskog kantona Goražde" broj:13/07), Općinsko vijeće Općine Goražde, na 3. redovnoj sjednici, održanoj dana 27.12.2012. godine,
d o n o s i:

O D L U K U

o prihvatanju ponude Čengić Rasima za kupovinu gradskog građevinskog zemljišta

Član 1.

Prihvata se korigovana ponuda Čengić Rasima iz Goražda od 29.10.2012. godine, data na zapisnik kod nadležne Službe za imovinskopravne poslove pod brojem: 07-1-31-9-5156/12, kojom Općini Goražde nudi kupovinu gradskog građevinskog zemljišta u naselju Kuta u Goraždu po ponuđenoj cijeni u iznosu od 3.500,00 KM, radi obezbjeđenja gradskog građevinskog zemljišta za izgradnju parkovskog zelenila u ovom naselju.

Član 2.

Odobrava se kupovina gradskog građevinskog zemljišta iz člana 1. ove Odluke, koje je u katastarskom operatu premjera i katastra zemljišta označeno kao:

- k.č.3345/3 zvana Baćci, po kulturi pašnjak II klase, u površini od 336 m², koja je upisana u p.l. br. 217/06 KO Goražde I, na ime Čengić (Hilma) Rasim, sa 1/1 dijela posjeda, po cijeni u ukupnom iznosu od 3.500,00 KM (tri hiljade i pet stotina konvertibilnih maraka).

Član 3.

Novčana sredstva iz člana 2. ove Odluke će se osigurati iz Budžeta Općine Goražde sa ekonomskog koda 821 111 - nabavka zemljišta.

Član 4.

Ovlašćuje se načelnik Općine Goražde da zaključi kupoprodajni ugovor sa prodavcem, s tim što će Općina Goražde snositi sve troškove prenosa prava vlasništva.

Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-1-6099

Goražde, 27.12.2012. godine

ZAMJENIK PREDSJEDAVALA VIJEĆA

Senad Čeljo, dipl.prav.

0942

U skladu sa članom 123. Poslovnika Općinskog vijeća Općine Goražde ("Službene novine Općine Goražde", broj 2/08), Općinsko vijeće Općine Goražde, na trećoj redovnoj sjednici, održanoj dana 27.12.2012. godine, d o n o s i:

Z A K L J U Č A K

1. Ne usvaja se Prijedlog izmjena i dopuna Budžeta Općine Goražde za 2012. godinu.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-6106

Goražde, 27.12.2012. godine

ZAMJENIK PREDSJEDAVALA VIJEĆA

Senad Čeljo, dipl.prav.

0943

U skladu sa članom 123. Poslovnika Općinskog vijeća Općine Goražde ("Službene novine Općine Goražde" broj 2/08), Općinsko vijeće Općine Goražde, na trećoj redovnoj sjednici, održanoj dana 27.12.2012. godine, d o n o s i:

Z A K L J U Č A K

1. Ne usvaja se Prijedlog odluke o izmjenama i dopunama Odluke o izvršenju Budžeta Općine Goražde za 2012. godinu.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-6107
Goražde, 27.12.2012. godine
ZAMJENIK PREDSJEDAVALAČEG VIJEĆA
Senad Čeljo, dipl.prav.

0944

U skladu sa članom 123. Poslovnika Općinskog vijeća Općine Goražde ("Službene novine Općine Goražde" broj 2/08), Općinsko vijeće Općine Goražde, na trećoj redovnoj sjednici, održanoj dana 27.12.2012. godine, d o n o s i:

Z A K L J U Č A K

1. Nacrt odluke o kreditnom zaduženju Općine Goražde vraća se predlagачu na doradu.
3. Zadužuju se načelnik Općine Goražde i nadležne općinske službe da u periodu izrade prijedloga Budžeta Općine Goražde za 2013. godinu apliciraju sa prioriternim projektima definisanim u važećem Programu kapitalnih investicija na području općine Goražde, prema višim nivoima vlasti i drugim organizacijama, kako bi se osiguralo finansiranje ili sufinansiranje istih.
3. Projekti za koje Općina Goražde osigura sufinansiranje od strane viših nivoa vlasti i drugih organizacija, a koji zahtijevaju i sufinansiranje od strane Općine Goražde, realizovat će se kroz kreditno zaduženje Općine u zahtjevanom iznosu učešća, ukoliko se sredstva ne mogu osigurati kroz redovne budžetske prihode.

Kreditna sredstva za sufinansiranje odobrenih kapitalnih projekata planirat će se u Budžetu Općine Goražde za 2013. godinu.

4. Prijedlog Odluke o kreditnom zaduženju sadržavat će sledeće podatke:
 - a) maksimalan iznos glavnice duga,
 - b) oblik duga,
 - c) dospijeće i uvjeti otplate,
 - d) svrha zaduženja,
 - e) poštivanje odredbi o maksimalnom zaduženju u skladu sa Zakonom o dugu i zaduženju,
 - f) vrijeme amortizacije kapitalne investicije koja se finansira iz kreditnih sredstava,
 - g) preuzimanje obaveze osiguranja sredstava za otplatu unutrašnjeg duga po prispjeću.
5. Izbor banke kod koje bi se realizovalo kreditno zaduženje Općine Goražde izvršit će se putem javnog oglašavanja.
6. Zaključak stupa na snagu danom objavljivanja u „Službenim novinama Općine Goražde“.

Broj: 01-05-1-6122
Goražde, 27.12.2012. godine
ZAMJENIK PREDSJEDAVALAČEG VIJEĆA
Senad Čeljo, dipl.prav.

0945

U skladu sa članom 123. Poslovnika Općinskog vijeća Općine Goražde ("Službene novine Općine Goražde" broj 2/08), Općinsko vijeće Općine Goražde, na 3. redovnoj sjednici, održanoj dana 27.12.2012. godine, d o n o s i:

Z A K L J U Č A K

1. Utvrđuje se Nacrt Budžeta Općine Goražde za 2013. godinu.
2. Nacrt Budžeta može poslužiti kao osnova za izradu prijedloga Budžeta Općine Goražde za 2013. godinu sa stavovima i primjedbama koje su iznijela radna tijela Vijeća i vijećnici na samoj sjednici Vijeća.
3. Nacrt Budžeta Općine Goražde za 2013. godinu upućuje se na javnu raspravu, koja će se organizovati i provesti na nivou pet lokaliteta za dvadeset mjesnih zajednica Općine Goražde.
4. Javnu raspravu će provesti Komisija za budžet, finansije i administrativna pitanja uz saradnju Službe za finansije, trezor i privredu.

5. O rezultatima javne rasprave Komisija za budžet, finansije i administrativna pitanja će podnijeti izvještaj Općinskom vijeću sa iznesenim primjedbama i mišljenjima o pojedinim pitanjima.
6. Nacrt Budžeta Općine Goražde za 2013. godinu objaviti na oglasnoj tabli Općine Goražde, u organima mjesnih zajednica, na službenoj stranici Općine Goražde, te izradom i dostavom info-plakata prema organima mjesnih zajednica.
7. Svi učesnici javne rasprave svoje primjedbe, prijedloge i sugestije mogu dostaviti Komisiji za budžet, finansije i administrativna pitanja ili Službi za finansije, trezor i privredu Općine Goražde.
8. Rok za provođenje javne rasprave je do 60 dana.
9. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-6115
 Goražde, 27.12.2012. godine
 ZAMJENIK PREDSJEDAVAJUĆEG VIJEĆA
 Senad Čeljo, dipl.prav.

0946

U skladu sa članom 123. Poslovnika Općinskog vijeća Općine Goražde („Službene novine Općine Goražde“, broj 2/08), Općinsko vijeće Općine Goražde, na 3. redovnoj sjednici, održanoj dana 27.12.2012. godine, d o n o s i:

Z A K L J U Č A K

1. Utvrđuje se Nacrt budžetskog kalendara Općine Goražde za 2013. godinu.
2. Nacrt budžetskog kalendara može poslužiti kao osnova za izradu prijedloga budžetskog kalendara Općine Goražde za 2013. godinu sa stavovima i primjedbama koje su iznijela radna tijela Vijeća i vijećnici na samoj sjednici Vijeća.
3. Nacrt budžetskog kalendara Općine Goražde za 2013. godinu upućuje se na javnu raspravu, koja će se organizovati i provesti na nivou pet lokaliteta za dvadeset mjesnih zajednica Općine Goražde.
4. Javnu raspravu će provesti Komisija za budžet, finansije i administrativna pitanja uz saradnju Službe za finansije, trezor i privredu.
5. O rezultatima javne rasprave Komisija za budžet, finansije i administrativna pitanja će podnijeti izvještaj Općinskom vijeću, sa iznesenim

- primjedbama i mišljenjima o pojedinim pitanjima.
6. Nacrt budžetskog kalendara Općine Goražde za 2013. godinu objaviti na oglasnoj tabli Općine Goražde, u organima mjesnih zajednica, na službenoj stranici Općine Goražde, te izradom i dostavom info-plakata prema organima mjesnih zajednica.
7. Svi učesnici javne rasprave svoje primjedbe, prijedloge i sugestije mogu dostaviti Komisiji za budžet, finansije i administrativna pitanja ili Službi za finansije, trezor i privredu Općine Goražde.
8. Rok za provođenje javne rasprave je do 60 dana.
9. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-6114
 Goražde, 27.12.2012. godine
 ZAMJENIK PREDSJEDAVAJUĆEG VIJEĆA
 Senad Čeljo, dipl.prav.

0947

U skladu sa članom 123. Poslovnika Općinskog vijeća Općine Goražde („Službene novine Općine Goražde“, broj 2/08), Općinsko vijeće Općine Goražde, na 3. redovnoj sjednici, održanoj dana 27.12.2012. godine, d o n o s i:

Z A K L J U Č A K

1. Utvrđuje se Nacrt odluke o izvršenju Budžeta Općine Goražde za 2013. godinu.
2. Nacrt odluke može poslužiti kao osnova za izradu prijedloga odluke o izvršenju Budžeta Općine Goražde za 2013. Godinu, sa stavovima i primjedbama koje su iznijela radna tijela Vijeća i vijećnici na samoj sjednici Vijeća.
3. Nacrt odluke o izvršenju Budžeta Općine Goražde za 2013. godinu upućuje se na javnu raspravu, koja će se organizovati i provesti na nivou pet lokaliteta za dvadeset mjesnih zajednica Općine Goražde.
4. Javnu raspravu će provesti Komisija za budžet, finansije i administrativna pitanja uz saradnju Službe za finansije, trezor i privredu.
5. O rezultatima javne rasprave Komisija za budžet, finansije i administrativna pitanja će podnijeti izvještaj Općinskom vijeću, sa iznesenim primjedbama i mišljenjima o pojedinim pitanjima.

6. Nacrt odluke o izvršenju Budžeta Općine Goražde za 2013. godinu objaviti na oglasnoj tabli Općine Goražde, u organima mjesnih zajednica, na službenoj stranici Općine Goražde, te izradom i dostavom info-plakata prema organima mjesnih zajednica.
7. Svi učesnici javne rasprave svoje primjedbe, prijedloge i sugestije mogu dostaviti Komisiji za budžet, finansije i administrativna pitanja ili Službi za finansije, trezor i privredu Općine Goražde.
8. Rok za provođenje javne rasprave je do 60 dana.
9. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-6116
Goražde, 27.12.2012. godine
ZAMJENIK PREDSJEDAVAJUĆEG VIJEĆA
Senad Čeljo, dipl.prav.

0948

U skladu sa članom 123. Poslovnika Općinskog vijeća Općine Goražde („Službene novine Općine Goražde“, broj 2/08), Općinsko vijeće Općine Goražde, na trećoj redovnoj sjednici, održanoj dana 27.12.2012. godine, d o n o s i:

Z A K L J U Č A K

1. Zadužuje se izvršni organ Općine Goražde da formira komisiju koja će izvršiti procjenu stanova koji su predmet zamjene između Općine Goražde i Medžlisa islamske zajednice Goražde, kako bi se mogla utvrditi eventualna razlika u vrijednosti stanova iz usvojene Odluke o zamjeni stanova.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-6109
Goražde, 27.12.2012. godine
ZAMJENIK PREDSJEDAVAJUĆEG VIJEĆA
Senad Čeljo, dipl.prav.

0949

U skladu sa članom 123. Poslovnika Općinskog vijeća Općine Goražde („Službene novine Općine Goražde“ broj 2/08), Općinsko vijeće Općine

Goražde, na trećoj redovnoj sjednici, održanoj dana 27.12.2012. godine, d o n o s i:

Z A K L J U Č A K

1. Informacija o ustanovljavanju prava služnosti na zemljištu državne svojine, čiji je korisnik Općina Goražde, a radi izgradnje spojnog puta optičkim kablom u korist „Anex“ d.o.o. Banja Luka, prima se k znanju.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-6117
Goražde, 27.12.2012. godine
ZAMJENIK PREDSJEDAVAJUĆEG VIJEĆA
Senad Čeljo, dipl.prav.

0950

U skladu sa članom 123. Poslovnika Općinskog vijeća Općine Goražde („Službene novine Općine Goražde“, broj 2/08), Općinsko vijeće Općine Goražde, na trećoj redovnoj sjednici, održanoj dana 27.12.2012. godine, d o n o s i:

Z A K L J U Č A K

1. Zadužuje se nadležna služba da za narednu sjednicu Vijeća vijećnicima dostavi podatke o tome sa koliko slobodnih stambenih jedinica i poslovnih prostora u vlasništvu Općine Goražde Općina Goražde raspolaže, kako bi se na osnovu toga Vijeće moglo opredijeliti o načinu raspolaganja istih.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-6108
Goražde, 27.12.2012. godine
ZAMJENIK PREDSJEDAVAJUĆEG VIJEĆA
Senad Čeljo, dipl.prav.

0951

U skladu sa članom 123. Poslovnika Općinskog vijeća Općine Goražde („Službene novine Općine Goražde“ broj 2/08), Općinsko vijeće Općine Goražde, na trećoj redovnoj sjednici, održanoj dana 27.12.2012. godine, d o n o s i:

ZAKLJUČAK

1. Informacija o stanju poljoprivrede na području općine Goražde, prima se k znanju.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-6119

Goražde, 27.12.2012. godine

ZAMJENIK PREDSEDavajućEG VIJEĆA

Senad Čeljo, dipl.prav.

SADRŽAJ

0933	O D L U K U O PRIVREMENOM FINANSIRANJU OPĆINE GORAŽDE ZA PERIOD JANUAR - MART 2013. GODINE	697
0934	O D L U K U o utrošku budžetskih sredstava doznačenih JKP „6. mart“ d.o.o. Goražde	697
0935	O D L U K U o odobravanju zamjene stanova	698
0936	O D L U K U o prihvatanju ponude Tanjo Sakiba za kupovinu zemljišta	698
0937	O D L U K U o davanju saglasnosti na Izmjene i dopune Statuta JU Dom zdravlja „Dr. Isak Samokovlija“	699
0938	O D L U K U o produženju ugovora o davanju na korištenje poslovnih prostorija u vlasništvu Općine Goražde, JU Dom zdravlja “Dr. Isak Samokovlija” Goražde	699
0939	O D L U K U o produženju ugovora o davanju na korištenje poslovnih prostorija u vlasništvu Općine Goražde JU Dom zdravlja “Dr. Isak Samokovlija” Goražde	700
0940	O D L U K U o izboru najpovoljnije ponude za zakup poljoprivrednog zemljišta u vlasništvu države na području općine Goražde	700
0941	O D L U K U o prihvatanju ponude Čengić Rasima za kupovinu gradskog građevinskog zemljišta	701
0942	Z A K L J U Č I C I	701

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik: sekretar Općinskog vijeća Općine Goražde, Samir Kanlić, tel: +38738221161 i pomoćnik načelnika Službe za javne servise i tehničke poslove, Sanid Zirak, tel: +38738221796.